

簡易普及良方

三

〔京〕新登字 027 號

責任編輯 徐岩春

封面題簽 王榮安

攝影 孫一星

中國中醫研究院圖書館藏善本
簡易普及良方 明 彭用光撰

中醫古籍出版社出版

新華書店北京發行所發行

浙江蕭山市古籍印刷廠印刷

一九九四年六月第一版

一九九四年六月第一次印刷

ISBN 7-80013-487-3/R·484

定價五〇〇元



簡易普濟良方卷之四

婦人門

廬陵彭用光編集

婦人崩中女子月候傷過用小薊搗汁半升服之
乃藍為之有一婦人患臍腹上下連下陰遍
滿生濕瘡狀如馬瓜瘡他處並無熱痒而痛大
小便澀出黃汁食亦減身面微腫醫作惡瘡治
用鰻鱗魚松脂黃丹之類藥塗瘡愈熱痛甚治
不用故如此問之此人嗜酒貪啗喜魚蟹發風
等物急令用溫水洗拭去膏藥等以馬齒莧四
兩爛研入青黛一兩再研勻塗敷瘡上即時熱

減痛痒皆去仍服八政散日三服分散客熱每
塗藥得一時久藥已乾燥又再塗新濕藥凡如
此二日減三分之一五日減三分之二自此二
十日愈而問曰此瘡何緣至此曰中下焦蓄風
熱毒氣若不出當作腸癰內痔似常須禁酒及
發風物然下能禁酒後果然患內痔

治婦人血癖痛大黃三兩搗篩以酒二升煮十沸
頓服

婦人月水滯澀不快通結成瘕塊肋脹大欲死用
馬鞭草根苗五斤剉細水五斗煎至一斗去滓

別立淨器中熬成膏每食前鹽酒調下半匙

婦人崩中帶下用鷄冠子入藥炒用

治婦人血癥痛用古秤錘或大斧或鐵杵以炭火
燒赤內酒中三升已來稍稍飲之

治婦人崩中用百草霜二錢狗膽汁一處拌勻分
作兩服以當歸湯調下

正月雨水夫妻各飲一杯還房當時有子神効也
婦人血結腹堅痛牛膝一大把并葉不拘多少酒
煮飲立愈

婦人帶下赤白色益母草花開時採搗為末每服



二錢食前溫酒調下

治婦人崩中下血晝夜不止芤窮八兩清酒五升煎取二升半分三服不耐者徐徐進之

治婦人血風攻腦頭旋悶絕忽死忽倒地不知人事者用喝起草取其嫩心不限多少陰乾為末以常酒服一錢不拘時候其功大効服之多連腦蓋善通項門今蒼耳是也

婦人月經不勻用茅根煎服通血脉

治婦人漏下赤白不止令人黃瘦虛弱以地榆三兩細剉米醋一升煮十餘沸去滓食後稍熱服

一合亦治吐血

帶下十二病一曰多赤二曰多白三曰月水不通

四曰陰蝕五曰子藏堅六曰子門僻七曰合陰

陽患痛八曰小腹寒痛九曰子門閉十曰子宮

冷十一曰夢與鬼交十二曰五臟不定用俱地

榆葉作飲代茶甚解熱

治婦人不曾生產血氣臟腑疼不可忍及治丈夫

元氣小腸氣最痛者並宜服二聖丸乾漆一兩

為末濕漆一兩先將濕漆入銚子內熬如一食

飯間已來住火與乾漆末一處杵和丸如半阜

子大每服一丸溫酒吞下無時服如元氣小腸
膀胱氣痛牙關緊但幹開牙關溫酒化一丸灌
下必安怕漆人不可服

治女人經血不行及諸癥瘕等病室女萬癥丸乾
漆一兩為粗末炒令烟盡牛膝末一兩以生地
黃汁一升入銀石器內熬似可丸丸如梧子大
每服一丸加至三五丸酒飲下以通利為度
崩中漏下青黃赤白使人無子好墨末一錢七服
治月經不通飲人乳汁三合調酒下
治婦人淋取自瓜甲燒灰水調服亦治尿血常有

媼人患滯冷積年不瘥徐嗣伯為詠曰此尸枕枕已一邊腐缺媼服之即瘥

婦人無故尿血龍骨一兩以酒調方寸匕空心日三服

婦人夢與鬼交者鹿角木三指一撮和清酒服即出鬼精

鹿角主安胎下氣殺鬼精可用浸酒服

黃牛角鰓用火燒為黑灰微存性治婦人血崩大便血及治痢

治婦人赤白帶下久不止用狗頭燒灰為細散每日空心及食前溫酒調下一錢匕服

河南太守劉勲女病左足瘡庠荏陀視之以繩繫大後足不得行斷犬腹取膽向瘡口湏臾有虫若蛇從瘡上出長三尺病愈

女子陰中苦痒搔之痛悶取猪肝灸內陰中當有虫著肝出

胎產門

療子死腹中不出用硃砂一兩以水煮數沸末之然後取酒服之立出

妊娠不得小便滑石末水和如泥敷臍下二寸
婦人始覺有妊養胎轉女為男以雄黃一兩絡囊
盛帶之

治逆生以鹽塗兒足底又可急爪搔之并以鹽摩
產婦腹上用小針兒足心後用鹽塗兒惧疼回
足

治妊娠心腹痛不可忍以一斤鹽燒令赤以三指
取一搥酒服瘥

妊娠卒腰背痛如折銀一兩水三升煎取二升飲
之



胞衣不出燒鐵杵令赤投酒飲之或秤錘亦可

妊娠遭時疫熱病令子不墮伏龍肝水和塗臍乾
又塗之以酒調亦妙

治妊娠得時疫病令胎不傷取井底泥敷下
產後血刺心痛欲死取潯猪湯一盞溫服之
妊娠月未足而欲產取梁上塵竈突煤二味合方

寸七酒服

產後胎衣不下取鼃突後黑土末服三指撮煖小
及酒服之天未明時取至驗也

卒胎動不安或腰痛胎轉捨心下血不上菖蒲根

汁三升服之

妊娠下血如月信通恐胎漏乾地黄乾姜等分為末用酒調方寸匕

治橫生兔絲子為末酒調下一錢匕米飲調下亦可

產後血不下益母草搗絞汁每服一小盞入酒一合溫攪勻服

女子因熱病胎死腹中搗益母草并苗搗煖水和絞取汁頓服良効

治產後中風語澀四肢拘急羌活二兩為末每服

五錢水酒各半盞煎去滓溫服

治橫生不可出車前子末酒服三錢匕

治婦人住經三箇月驗胎法川芎生為末空心濃煎艾湯下一匙頭腹內微動者是有胎也

難產礙胎在腹中如已見兒并胎衣不出胎死疾藟子貝母各四兩為末米湯下一匙如行四五里不下再服

治產後心悶手足煩熱厭厭氣欲絕血暈心頭乍寒乍熱不禁續斷皮一握剉以水三升煎取一升分三服溫服如人行一二里再服無所忌此

藥抄產後垂死

治產後陰下脫

蛇床子絹袋盛蒸熨之亦治陰

戶痛

治婦人百病諸虛不足

當歸

四兩

地黃

二兩

右為末蜜和丸如梧子大食前米飲下十五丸
治產經數日不出或子死腹中母欲死以瞿麥煮
濃汁服之

妊娠月未足似欲產腹中痛用肥知母去毛為末
蜜丸如梧桐子大不計時候粥飲下二十丸

凡便知母先於槐砧上細剉焙乾木臼杵勿令
犯鐵器

貝母主難產作末服之兼治胞衣不出取七枚末
酒下

治血暈絕不識人煩悶者新鮮紅花一兩無灰酒
半斤童子小便半斤煮取一大盞去滓候冷頓
服之用新汲水煮之亦良

治產後暈絕半夏一兩搗為末冷水和丸如大豆
內塞鼻孔中即愈

治產後惡血衝心成胎衣不下腹中血塊等用帛

紋大黃一兩杵羅為末用頭醋半升同熬成膏
丸如梧桐子大患者用溫醋七分盛化五丸服
之良久下亦治馬墜內損其有血者嘗
治姙娠尿血用阿膠炒令黃燥為散每食以粥飲
調下三七

姙娠無故卒下血不止取阿膠三兩炙搗末酒一
斗升半煎令一升服

療煩悶腹疼血不盡鹿角燒末豉汁服方寸匕日

三服漸加至三錢匕其有血者服方寸匕日

治產後餘血攻心或下血不止心悶面青身冷氣

